

八瓊室金石補正

八瓊室金石補正卷五十八

男 繼輝校錄

太倉陸增祥撰

吳興劉承幹覆校

唐三十

丁思禮豎心經碑記

天寶八載五月廿一日在沛縣萃編載卷九十九作大祿八載七月

月

元□象大

缺元象二字

亦如□□

之相也初淺而後深也外

缺

賢彩若丹詞林□落

詞林外五字缺

曷際

缺際字

善芽

缺芽字樂

□離

缺離字

灰薄

缺灰字

梵響

缺梵字

永讀

缺讀字

作悟

缺悟字

天

寶八載五月

天寶誤大林五誤七

碑立於天寶革編誤爲大秣大秣不稱載也

平遙尉王府君墓誌

高一尺七寸八分廣一尺八寸五分廿七行行廿七字字徑五分正書在孟縣

皇唐故西河郡平遙縣尉王府君墓誌銘 并序

原夫□於蘭谷者猶聞十步之芳陟於松巖者尙覩千

尋之□况乃于門善族□□名家堂構挺生不□□□

者矣公諱□□□□□河內人也太原望族徙居河

內焉曾祖□□□遂州司馬祖□□□□□太子家

令贈少府監並以睦義登榮儒翰昇貴父□□□□□

□□□中舍人贈銀青光祿大夫至於承親□□□割服

仁□□□□□□□□□□雖沐旌表門閭之□□制越古

迄今隆褒揚道□□□□□□□□□□並見編於史諫

此可略而言焉公以積善資靈□□□□□□□□□□

性卓犖儒□之科釋巾任宣城郡宣城縣主簿江□□

□□□難□□以清平標範正直申規□得吏愛毗謠

傳芳播譽秩滿上選□以□□家之子□筆之才擢授

西河郡平遙縣尉汾州巨邑晉□碩州州毗□□井之繁

人恣田壇之訟公以襟靈若湛筆翰如流疏決決務□□

□與奪並□其理自六曹統□□考在公閭閻無謗譴

之聲□□有□□之慕□□□□□□□□□□朋僚懷戀

德之情昨吏結□□之□□千里勒轅轡而已迴至

曜三冬□門庭而畢萃昆房喜躍□□義以同居隣伍

歡愉仰仁德而垂蔭方□廣脩淨業繼先風何期福

善無徵殲良奄泊以天寶九載二月九日遘疾終于河

南府河陽縣車城鄉之本第春秋五十有六以其年三

月十四日安厝于河清縣親仁鄉先祖之塋禮也惟

公□德義方嗣徵名□植操慕深□□身□□□

□□高節儉表其心風神皎絜□□體斯乃□□□

□□□□□□□□平激浪鱗翔□墜羽□□將

駕□□已開□□□□□□□□之永隔悲舉案

長口

茲據石本正之唐書地理志河清本大基先天元

年更名避明皇諱也此誌作於天寶更名已久矣

靈運禪師塔銘

天寶九載四月十五日
萃編載卷八十八

掾于高平

缺平

圓通於不留之境

缺留

色身謝芳法體

存

缺謝
字

寺西石塔靈運師墳即梁帝皇嗣者也

以上刻塔頂三
行行五字字徑

寸許
行書

附辛祕題名

五行行六字字徑五
分正書在碑側下方

元和十二年閏五月廿九日河南尹辛祕奉 勅祭中

岳散齋于此寺

碑頂字體散野與原碑迥別武授堂謂誤指靈運

卽梁帝皇嗣臨文失檢顧亭林謂以武帝之裔而
稱皇嗣亦爲不順竊意此十五字或後來俗僧所
爲不足深責辛祕題名授堂跋已言之矣 碑銘
爲崔琪所撰攷宰相世系表崔氏清河小房有琪
字庭秀不詳官位未審卽其人否碑述靈運之父
名翥世系表蕭氏齊梁房有翥字文舉宣宗時相
鄴之子時代相殊別一人也

陪戎副尉雷詢墓誌

方一尺六寸廿一行行廿一字字徑六分正書閒雜
行筆篆蓋題大唐故雷君墓誌之銘九字四周刻十
二生肖題夜半子雞鳴丑平旦寅日出外食時辰禺
中巳正南午日昃未晡時申日入酉黃昏戌人定亥

卅六字

正書

大唐故處士陪戎副尉雷君墓誌銘

并序

君諱詢字明遠開內馮翊郡人也德能匡俗垂寶光於
先功可濟時福慶流於後故祀路煜兮雄勇風骨不凡
蔚予清雅神彩異俗應前隨以見用位列錦司入大唐
而昇朝職臨司馬父通上柱國智可運籌德堪濟物不
徇私門唯憂報國揮霜戈於隴外戎虜電除耀金甲於
輪臺骨都膽讐功成遂退賞悅邱園知命無憂自怡風
月君稟陰陽之受氣受天地之雄和維孝維忠克恭
克敏虚心應物任性歸真坐幽壑以怡神卧白雲而放

志將爲美門比壽豈其孔父齒亡以天寶五載六月五日構疾於私第終於家館夫人趙氏道叶坤順德配乾剛性以謙約爲本行以溫柔作常訓女垂誠教男義方遷居均善於孟母守志侔貞於敬姜何寶婺之昔殞乃龍劍之今淪同臻玉匣雙契佳城書帳虛而綬跡粧樓空以生塵幽顯既分死生道隔降輿次諏訾月合葬於仙宮原侍先塋也孤子賓泰敬思遺訓伐稱泉壤以爲銘其辭曰

凜予儼予家國稱美倩予絢予閨闈有軌道契神明德侔君子動止不乖於町畦心形豈違於天理任物同化

委體從依泯然形順脩然入幽琢石飭銘于光德芳聲
不朽芳千秋

右陪戎副尉雷詢墓志未詳所在詢及父通子賓
泰皆無攷標題稱陪戎副尉而文內無一語及之
當是以勳蔭授者故又稱處士也文云降婁次諏
訾月以天寶五載順推之是十載正月也距其歿
已五載矣補訪碑錄作天寶五載乃卒日也故祀
路句有脫誤祀卽袒字避睿宗諱鬱作鬱稟作稟
孟作孟凜作凜宅碑所罕見

淨因寺梁懷貞造象記

高六寸廣七寸許十行首末二行在象旁餘俱五字字徑五分正書在汝州陵頭街本寺後殿

大唐天寶十一載二月八日汝郡梁縣萬歲鄉脾陽里人清信弟子梁懷貞妻王氏及兒女等先發誠願敬造阿彌陁佛于茲矣積功逾年是日成就乃爲記

脾陽里考當在脾山之陽也唐鄉邑之名流傳于今

匙矣授堂續跋

中岳永泰寺碑天寶十一載閏三月五日 萃編載卷八十九

偃作規制字龍津津誤靈作昏作

新唐書諸公主傳永泰公主中宗第六女以郡主下嫁武延嘉大足中忤張易之爲武后所殺帝追贈以

禮改葬寺僧因有此請卽碑所謂二聖痛金娥之怨
兆人興玉碎之悲金石萃編以永泰爲孝明之妹大

誤平津讀碑記

石燈臺頌并題名

石高三尺八面面廣四寸第一面龕像六層餘各上
截二層拓本遺去各上截二層第一面存龕像四旁
有題名第二面題額三行十二字以下題名五行第
三四五面頌各五行行十四至十七字不等字徑八
分行書餘三面題
名在元氏開化寺

上養 上缺 上供養 清信士吳什件 爲亡父母合一

家供養 佛弟子張慶綯 佛弟子孔軋應 妻董息

令詮供養 佛弟子□□□爲亡 父母造阿弥陁像

以上一面與餘七面之
上截二層題名均失揭

爲國敬造燃燈續明

普通供養額正書
徑一寸

通直郎行錄事叅軍攝令李芥 □徵事郎守丞王文

藻 尉宋暉

承奉郎行尉韋光偉

朝議郎行

尉貞外 置張通幽

尉貞外置同正貞主子昇

以上弟
二面

燈臺頌

并序

南陽張尹撰

男希雅書

夫大覺希夷□以聲色法門高炬普燎羣生卽無因之
因照有道之道也故知不爲人我□宗稱涅槃佛号燃
燈由來授記爰以村坊道俗同造石臺良工琢磨超乎

法相且天開寶塔有諸異香地踊蓮華無□清淨種種
微妙莊嚴道場其猶一燈燃百千炷契佛明行故号長
明乃爲頌曰

忽兮愧兮天中天 佛与法兮世所先 明一心兮

遍沙界 傳一燈兮煥大千 復說理門無住相

復說董修有福田 欲解大乘明解縛 去就還須

到本原 十地流通無罣碍 萬法圓融卽涅槃

借問此臺能供養 永□終朝常洞然

大唐天寶十一載七月十五日建

以上三四五面

都維那比丘僧智□ 維那比丘僧什忒 維那張茂

□ 維那張慶春 維那張慶□ 維那張阿顯 維

那張寶玠 維那趙思忠 維那張待因 維那張庭

屏空 燈臺主張慶□ 爲亡過父母敬造維摩_下

燈臺主張慶仙爲亡過父母亡妻郝敬造普賢菩薩仙

息□供養_{以上弟六面}

□燈臺主張□傳 息彥□ 張子遠息婆瓌妻周

瓌息瞿曇 □子_藝燈臺主張伯遠 妻路 息公

起妻宋 息公立妻蘇 息公俺 妻李 息□□

妻晏 息公□□□ 起息安之妻趙定蘭妻陳 立

息僧範 僧敬 俺息阿甌之趙蒙息□□□□

挺息小甌定進定建之璣之琛 □ 耶 比邱尼阿滿

□ □ 菩薩 迎遙 真妙 正同 正果 正見

普同供養 以上弟七面

清信士張□ □ 清信士張彥仙 □ □ □ 張彥□

施主□ □ □ 施主張韜光 施主張□ □ □ 下空 施主

趙元春 息方進 下並弟四行俱空 施主呂□ 昉息□ 珠孫

男進朝 進仕 施主張思慶息玉山孫同□ □ □ 以上

弟八面

右頌張尹撰其子希雅書二人皆無攷希卽希字俗體下截題名有通直郎行錄事參軍攝令李芥新書

宗室世系表蔡王房有芥幽府錄事叅軍爲河間元
王孝恭曾孫時代銜名一一相合當卽其人縣尉宋
暉見龐履溫碑陰餘皆無攷

常山貞
石志

按李芥又見穆宗本紀及舊書李光顏傳爲汴州
叛將長慶二年伏誅距此刻已七十年又其職與
表不合非卽此人沈匏廬以爲蔡王房孝恭曾孫
是也惟表自孝恭及芥中有崇義尙邱浣三世則
曾孫當作元孫乃合

董信古等造石浮圖記

高一尺七寸三分廣一尺一寸側厚五寸三行記五
行行書題名十八行正書行字不等字徑六七分左

行在
正定

□力增明善牙宿植同拾淨禪修未來因於此指提放
造石浮圖一所上爲 皇帝中報四恩七代先亡見存
眷屬出生死海入功德林澤及無邊一時成佛

天寶十一載八月十三日建

以上
左側

董信古比邱尼八娘比邱尼圖照息思進 □□下空榮

羅漢 比邱尼普光 息承仙 承貞下空董智雅 妻

張 比邱尼四娘 息神劍 神通下空董安務亡孝由

慈 弟瓊芝 務息女經 希有下空董守貞 弟待徵

貞息龍璿 女大娘二娘下空董行仁妻郝 息承蘭

承恩

承祚

空下

董思敬比邱尼仵娘弟思甯敬妻郭

甯妻張敬息軋光軋暉

空下

李文博比邱尼无邊比邱尼

憂曇

弟神功

弟神鳳

空下

董常豐

母李

比邱尼

阿七

比邱尼四娘

弟太豐

弟希晏

空下

柴義乳

息軋暉

柴軋闥

比邱尼妙光

空下

孟思貞

弟習礼

妻董比邱尼大娘比邱尼七娘礼息軋祐軋

董義豐

妻周

比邱尼圓祚

息先呵

二郎

祇舵

希

鸞

碑以上

董魏周母曹

空

董阿獠

空下

比邱僧智山

上鞋

車兄承業

弟四郎

業息軋舉

空下

董神威亡孝版授

樂城縣令董元徵比邱尼法澀法留息令新

武

騎尉柴

阿昱亡孝義賔見存母趙 弟軋暉 軋禱空下董日進

亡孝博子 董阿昱 母周 弟元侃空下□□□妻彭

□□進空六董李生妻閻以上

格右側

右記有云同捨淨觀觀即嘽字玉篇嘽初覲切嘽施
廣韻嘽嘽施同嘽玉篇嘽音攏嘽國清百錄弟一卷
陳羅闡宣少主口勅不許讓嘽物又弟二卷晉王稟
戒名總持菩薩書疏云弟子一日恭嘽猶以陋薄不
稱宿心皆作嘽不作觀惟續齊諧記以嘽衆僧作以
觀衆僧知借觀作嘽由來遠矣碑中別體字甚多唐
刻中多習見惟授作授輕作輕兄作兄璿作璿經作

經與他碑稍異禱疑禱憂曇卽優曇之省文安作安
唐碑中恆見天寶時以兩角女子爲安字之識可見
當時字體如此此石本在樂城由予攜至常山郡署
茲與諸古刻皆權寄崇因寺中

常山貞石志

右董信古等造石浮圖記在正定崇因寺常山志
稱董日進造石浮圖記茲以左讀律之改題董信
古或不謬也記文七代沈氏誤作十代弟一行末
一字僅存右半至字沈氏定爲經未敢遽從武騎
武字妻閭妻字石本已蝕據以補注於旁董日進
下沈闕亡字石刻尙明顯也優游字古本作憂沈

氏以爲省文亦非真疑卽真字

新定太守張肫墓誌

方一尺八寸七分廿七行行廿七字字徑五分正書
閒涉行體有界格隸蓋題大唐故張太守之墓誌九
字在襄陽

唐故太中大夫守新之郡太守張公墓誌銘并序

公諱肫字肫其先范陽人也馬渡丹陽龍戰河洛煙塵
北擁冠冕南遷今爲襄陽人也會祖則隨阬陽縣令祖
元弼皇益州功曹叅軍贈安州都督父晦之桂方正字
左率府兵曹叅軍伯父柬之中書令漢陽郡王贈越州
都督狀危宗社勲庸太常初公父早亡伯父進養諸呂

殛滅大漢兮珪茅土錫封奏公授職 詔授荊州叅軍
後韋氏臨政虺變爲蛇公授撫州叅軍累貶也又試太
子通事舍人來復也又授將作監主簿再太子僕寺丞
太子文學檢察浮費司供輿馬黃中有理堂上枌頭轉
之州司馬邢州長史朝散大夫涇州別駕鶴來諱海朱
玆加榮輿舊見題佩刀是贈又拜梁州刺史涪陵郡太
守零陵郡太守臨川郡太守新之郡太守蜀山雲平非
無叱馭湖水天浸豈憚洪波江南聽采菱之詞成中和
之曲新安逢江水見底比清鏡豈如太夫人韋氏安府
戶曹元寶之女封馮翊縣太君子貴也板輿侍奉豈獨

長筵東正有詞何軫舊賦公稟休和之氣降山岳之靈
忠孝事於君親愷悌施於邦國惜其大位未繼泉路遽
隨以天寶十載六月廿四日遇疾薨於新芝郡官舍春
秋五十有六諸侯之禮國典備儀道路有瑞庶隨車黎
人悲父母奚若夫人隴西李氏隴西郡君夫榮也刑部
尚書軋祐之孫相州堯城縣令昭禮之女中書令昭德
之姪女能事組紃明閱詩禮令德贊於從臾淑善穆於
宗親天平降災殞斯貞麗以開元廿一年八月三日先
公而亡以天寶十二載八月廿六日合葬於臨漢縣平
原禮也嗣子回等稟稯容哀哀相次迺馨香其實錄

將刊刻於石詞銘曰

猗公命氏偉乎邈邈勲庸列土繼體今茲世業宏大忠
孝淳嘉官政多歷斯綏光華沂海可詠專城累加天道
不愆梁木空嗟

其一

夫人隴西寔惟公族尙書祖理中書

伯錄體德柔順瑤姿令淑如月之皎如鴈之育內則事
姑齊詩在祿誰謂奉倩先悲瘞玉

其二

嗣子藥藥幾不滅

性稟孝純至執容瘠病哀號泣血象設惟命母訓義方
慎終善令女也權毀施于庄敬樹斯文於不朽紀

勲業

而貞

其三

右張肫墓誌在襄陽誌敘肫之先世云曾祖則隋

毗陽縣令與世系表及張漪誌稱澧陽令者不同
張曠誌又稱比陽澧陽二縣令蓋先令比陽後令
澧陽此稱毗陽於例不合隋書比陽屬淮安郡後
魏曰陽平開皇七年改饒良大業初又改今名比
毗之本字曩輯楚辭疑異釋證擬以篆體書之而
說文無毗字無從下筆借用它字又鮮確據今得
此及張曠誌知毗字古只作比後人加阜旁耳又
云父晦之桂方正字左率府兵曹參軍世系表失
載東之贈越州都督亦不見於史傳當是後來追
贈莫攷其時或卽在賜諡文貞時也又云夫人隴

西李氏相州堯城縣令昭禮之女世系表乾祐下
失載昭禮可據此補之表稱丹陽李氏此稱隴西
者從其朔也隴西四房一武陽二姑臧三燉煌四
丹陽也又云嗣子回等則肫之子不獨一回故銘
詞內有如鴟之育語然不可攷但補一回於表而
已詳具元弼誌跋又案諸誌皆云葬於安養縣而
此獨稱臨漢者天寶初所改名也

石經山中臺浮圖諸刻

在房山

王晉造石浮圖記

文鑄石像上載高一尺五分廣一
尺八寸五分二十一

行行十二字

字徑六
分正書

石經中臺浮圖

石經者晉琬公之□□□□□之上靈□□□□公□
□□□經明道□□□□□□□臺山者吾師□
□□□□□□□四臺浮圖凌霄之□□□□惟中臺
嶮巖宛然未有真狀公諱晉太原人也挂冠辭代□□
精誠樹福於金巖□□虛空乃浩□□於菩提之□□
人以□栗□資造九級浮圖□於中臺也夫米粟者曾
祖父□□□之出也衣資者亡妻之□也□□圖相好
端嚴□□□□□□□諸信士等□誠□□□□□
真容□法□於迷津□□雨於火宅□□□□□思

議既畢□□□□□□□□□□以傳不朽□□□□□□

□□而上□□□□□□□□□□九□□□六道□

天寶十二載十月廿五日建

□王□□□□□□□□□□娘供養三行在右
佛像右旁

圓滿空明廬舍比佛浮圖主王晉供養三行在中
佛像右旁

□□菩薩夫□□大娘□□□□供養三行在左
佛像右旁

右中臺山石浮圖之一面浮圖主王晉以妻亡捨

資造立因爲之記無撰書人姓名琬公者隋大業

閒沙門靜琬也靜琬承北齊慧思大師法付普鐫

衆經今石經洞經刻百四十餘石皆琬公初迹云

感懇文

刻石像上截高一尺廣一尺三寸八分十六行行十五字字徑五分正書

感懇文

余慈親二品孫樂安孫氏量必

天合器与代

殊惟德是脩惟明是貴不以榮華爲樂不以豪貴爲雄

澄心如不戴之門求真習道慈親春秋卅有九以天

寶十一載夏六月庚寅大漸弥留徵方勿藥薨於別業

神容儼然不知何賢人變易生死也父痛慈親先

世有恨未亡遂捨雄豪發菩提志誓首以信微妙法清

淨操心造九級浮圖□中臺也嗟乎閔予不祐慈訓早

違軋景外臨陰義內缺英二妹細小花萼偏遺雖活明

時毀滅無異 父以英弟妹偏露驚違匪甯遂督繼親
北平縣君宏農揚氏性敦柔潔膺錫中和花萼痛聞號
天擗踊刻銘微志以布腹心 張令忠妻謝

男敬仙敬賓

敬暉同供養

導師菩薩晉先亡妻二品孫樂安孫氏供養

此二行
刻像右

虛空藏菩薩晉女春娘女鶯娘爲亡母供養

此二行
刻像左

六姨玉田榮氏男女等供養

七姨玉田榮氏男女等供養

以上二行刻虛空
藏兩行之上方

右一面文爲晉子英所撰晉妻孫氏稱二品孫者

猶梁府君碑稱四品孫五品孫也竹汀先生跋梁
府君碑引唐書選舉志三品以上蔭曾孫五品以
上蔭孫孫降子一等謂朱賓鄭莊二人法當蔭敘
而尙未得官故以四品孫五品孫署銜然則此二
品孫者亦蔭未得官之稱當是晉之署銜然以加
於婦人刪見於此未可遽爲金石之例六月庚寅
非十五卽十六日是年五月丙午朔也怨作𢇛段
氏云班馬字類韻會皆引史記封禪書百姓𢇛其
法字作𢇛今史記無此字者此字亡矣廣韻云同
怨

感浮圖詩二首

一三行行十一字一五行
行九字字徑八分正書

感石浮圖

樹福金巖頂粧嚴琢石成真容繪美素圖鏤萬年榮

此詩

在塔門外
上截之右

感石浮圖

琉珉彫瑩美圖真琢玉成神功呈百福含

聚曰光明輪寶□霄壯珠瓔鏤石晶感□嚴父志竭力

爲先靈

此詩在塔門
外上截之左

二詩不著撰人名當是英輩所作

安祿山題名

字徑八
分正書

皇帝供養 御使大夫安

皇右供養

祿山供養

二行在感石浮圖詩之右

安祿山三字後人惡其名而鑿之然尙可辨識

李時用德政記

刻石像上截高一尺二寸五分廣一尺三寸五分十六行行十五字前後

各三行讓夫下載題名各短五字字徑七分正書

朝散大夫守歸德郡太守兼諸軍事魯國公上柱國

李

公諱時用武可濟代文以匡人刑示蒲□駟鵲政令察

庶畏愛何賢如之英□公賢愚之道或万有一通而貴

賤之階宛天將地□德□淮海祿重邱山但竊慕公仇

時濟代之風潛窺爲政未嘗見公臨人有一獄不慎有

一訟不審有一屈可謂德政也公爲國安人雅風訓俗
至於詞人才子渴詠公雄文碩德洪儒□□公高□至
於遐迩洋洋乎盈耳也□□□之□□瞻應□澄寶劔
之光■
揆□徵敢□□□□□□□□將來

救□菩薩晉長子英次子蕓次子薰爲母供養

二行在像右字

徑一寸

善讚菩薩晉弟晃弟詵妹五娘供養

二行在像左字徑一寸

右一面文亦英所撰按唐書地理志幽都本薊縣
地武德元年置燕州天寶元年改爲歸德郡建中

二年爲朱滔所滅因廢爲縣王晉造浮圖時李時
用方守是郡英頌其德政附刻於此濟世臨民改
用代字人字避太宗諱也

雲門山造像三段 在益都

王元恭題記 高三寸九分廣一尺四寸三分十
九行行字不一字徑五方正書

□性千秋供養 □性壽小供養 亡男□其供養

□□知金供養 □元恭供養 □過父□忠供養

大唐天寶十二載歲次癸巳十一月戊戌朔廿一日丁
巳清信士王元恭敬造盧船像一鋪上爲國王帝主師
僧父母七代先亡見存眷屬法界蒼生咸同斯福 母

郭供養

□崔供養

趙開東母仇供養

妹伴娘供

養

女陳娘供養

山左金石志載此分爲二段一作□性千秋供養
六行一作天寶十二載十一月清信士□□□造
象記十三行以余審之造象者王元恭中列記文
前後列供養題名自中而左右分次之實只一刻
也文云戊戌朔廿一日丁巳朔日戊戌則丁巳是
廿日差一日矣通鑑目錄是年月朔十戊辰十二
丁卯十月小盡則十一月朔值丁酉廿一日正值
丁巳十月大盡則朔日正值戊戌二者必有一誤

也山左志以丁巳爲戊□并缺王元恭名審未的耳盧彫像盧下脫舍字平津讀碑記誤恭爲素壽卽壽字洪氏釋作哥亦誤壽下一字洪作悟

王旡題字

高二寸廣八寸五分十行行二字末行三字字徑六分正書

故人王旡敬造无量壽像一軀願生仏国及法界衆生

首題故人蓋生存願造者佗人續爲之也此與下一種似皆唐以前刻姑從山左志附前刻之後

尼世僧圓滿題字

高八寸廣五寸四行行字不一字徑五分正書

比邱尼世僧造像一軀爲師僧父母及法界衆生比

邱尼圓滿造像一軀願供法界衆生同生佛国

山左金石志雲門山造像尙有天寶十一載季思敬造供養像十二載二月清信士造弥陁像定光像北海縣尉李栖梧記四段平津讀碑記有天寶十二載依智□造像依六妻宮清讓造像二段皆未得搨本

內侍張元忠妻令狐氏墓誌

方一尺七寸二十行行二十字字徑八分行書在長安

唐故銀青光祿大夫行內侍貲外置同正貲上柱國張公夫人鴈門郡夫人令狐氏墓誌銘

并序

惟天寶十有二載十一月四日夫人卒於京兆府殖業

里之私第嗚呼時載六十有三若夫人之姓裔自乎太原處嬪于室凡廿載矣夫人進對工繡以脩於賓祭

先祖恭具於膏澤正之以容貍不以悅已怡色事上撫下允穆謙和愛子如生育人無怨夫張公諱元忠任太中大夫賜邑爲鴈門郡君後進銀青光祿大夫遂加号爲鴈門郡夫人也不意回由運改福謝緣疎夫去天寶九載五月十三日卒於河南府里之第宅次載就葬于京兆府三原縣之兮界自阻已浹念趣來緣每宏慈悲常思不忘以夫先偶同事幽泉又歲月無良遂別塋壤衆子未窻莫能再榮嗚呼人道所悲傷矣以今載十

二月四日遷殯於京兆府長安縣龍首鄉之原也代移
世久墳壠摧殘刻石爲銘媿叙夫人之德銘曰

食邑之家

捨於珠珎

簪纓之族

衣無重綵

六行所脩

四德兼載

謹慎閨門

善音無壞

太山南指

渭水東邁

崧月蒼蒼

記之永代

此誌無書者姓名驗其筆迹與張希古誌絕似亦鴈
門田穎書也夫人夫元忠食邑鴈門希古食邑馬邑
皆在今山西大同府穎籍其地故爲書誌二張蓋族
人也誌中貌作艱怨作慙自阻以後阻當作殂宦作

查善作善擢作權代易世久世字不避太宗諱闕筆
去天寶九載去當作以然唐誌以去作以字用者甚
多僧思道誌云去至德二載春秋八十有一解進誌
云去元和四年三月四日疾終尹澄妻朱氏誌云去
開成四年告終於私第皆是如此蓋當時習俗相沿
有此用法也

古誌
石華

按鴈門郡夫人令狐氏乃內侍張元忠妻元忠先有
偶令狐其繼室也唐時內侍皆有室史稱高力士娶
呂元晤女李輔國娶元擢女其見於碑志者有吳文
妻李氏李輔光妻輔氏王守琦妻張氏謝氏與夫別

瑩而銘墓者創見於此銘曰太山南指太山卽太華山也垂拱元年武后避祖諱改華州爲太州華陰縣爲仙掌

見元和郡縣志

後雖復舊俗尙相沿故稱華山爲太

山耳

金石續編

石華載此誤殖業爲置業善音爲善意文云去天寶九載去猶言往也與下今載字相對史傳中言去某年去某月者不勝枚舉碑版中亦復不乏黃氏謂以去作以字用且云習俗相沿失之甚矣

優婆姨段常省塔銘

高七寸七分廣一尺一寸三分十六
行行十一字字徑六分方界格正書

唐故優婆姨段常省塔銘

并序

蓋聞宿殖勝曰生逢政教仰尋師友意達直心學普敬
法門慕不輕密行貞心守志塵俗不汚其情性等虛空
證真如之境獨拔愛網散世榮華□薩埵雄悲重迦文
之妙典火宅之內駕馭三車捨內外之財望三祇願滿
春秋七十有六以天寶八載九月十日卒於私第捨報
歸林以天寶十二載建塔於茲知神魂而不固其詞曰
妙慧歸真德超上智慈悲起行忠孝無二故重新心
存劉志宿殖德本動靜合理

女劉三娘建

此五字
在其詞

曰

栖巖寺智通塔銘

高二尺廣二尺六寸五分廿七
行行字不一字徑七分行書

大唐栖巖寺故大禪師塔銘

龍興寺主沙門復珪撰

惟佛有覺海酌其流者爲得一佛有慧日赫其照者爲
至道夫能航逝川適寶所者吾師矣師諱智通姓張氏
虞鄉七級人也童年有濟世之量請益於大智尊者晚
節當付屬之重善誘我堯之封人天与淳和聲振開
輔粉藻德行澄滅使流降心魔嚴道品砥操勵能終朝
獨王前刺史裴寬以師繼然一燈請傳覺印後太守韓

朝宗以師道高五衆請師爲僧寶非随侯明月難掇有
卞氏連城僧價不其然乎於是雲峯之下軒冕如川巖
花之前握衣成市除沙鹵之株杌甘露清田酌肥膩之
菁華醍醐灌頂行有餘力綴已惠人綆汲群蒙衣珠密
繫使夫股肱之人一變至于道者十八九焉嗚呼世界
無常生靈起滅將示絕絃之迹俄增遷奪之痛翌日不
救藏舟夜□以天寶十載十一月廿七日終於住寺春
秋六十有九爲獸毒而歸休耶爲傳薪而火戚耶生之
之与化之其可左右門人有簪花之痛道俗懷苦海之
憂寺主令眞師之同志恨寶渚無梁衢樽莫挹鸚林墜

月狂爲易奔与弟子惠照饒益寺上座崇道等異佛影
之猶存以封灰而建塔俾傳能事授手於子復珪辱在
緇門豈忘提拙銘曰 開示佛乘住無所住傳衣佛

國去無所去拯沿四流梯航六度誰其悟入我師調御
其一 行佛能事、果而注水竭龍移山空澗響灰封殞

塔珠沈帝網留影雞峯提河列像 其二 啜泣之痛潸然

灑地蘭若空厓緇林殍悴閤水藏舟藤塋及隧豈惟羊

祜方稱墮淚 其三

天寶十三載甲午歲六月三日寺之創新鍾之

晨建

造塔大匠京地王光 河東張伽刻字

內常侍孫志廉墓誌

天寶十三載六月八日 萃編載卷九十

□府君

王氏攷補孫字碑石已缺泐

冥冥之君

脫之字

白圭無玷

玷誤

又末句千秋不□所缺似是改字

誌云終於來庭里之私第高福劉遵禮誌皆云來庭

里蓋當時內官聚居於此里誌為申堂構撰元和姓

纂丹陽申氏狀稱申不害之後陳有南徐州申禹周

八代孫堂構唐虞部員外郎

平津讀碑記

安鄉郡長史黃撝妻劉氏龕銘

高一尺一寸五分廣一尺六寸廿五行行十八字字徑四分正書存洛陽存古閣

大唐故安鄉郡長史黃府君夫人彭城劉氏龕銘

并序

少弟宣義郎前行濟陰郡成武縣尉庭珪述

昔貴立德立言垂軌垂訓光而不朽其在茲乎夫人諱
字彭城人也擾龍肇裔斬蛇丕緒保姓受氏不隕其名
曾祖行之唐蒲州永樂縣丞祖延祐安南都護父含章
雍州長安縣尉乃祖乃父克岐克嶷文史縱橫衣冠疊
耀夫人柔儀頴晤淋問載馳年纔既笄歸于江夏黃攜
公厯試郡縣懷寶無時屈已從人推財重義挹醴酬之
正味口般若之妙門爰寫藏經或崇塔廟夫人虔事舅
姑恭勤夙夜內則夙墜中閨聿脩男女二人不幸早爰

掌失□珠帷空弄玉若敖之鬼不其餒而伯道之魂

天何殒嗣既而寔居累載靜念安神五福暫慙百齡
俄奄以 天寶十三載□月廿一日寢疾終於東京
宣教里之私第春秋六十有九嗚呼哀哉卽以其載□
□□日塋於龍門南西山淨土村太平□律師之塔北
長史之龕傍合祔禮也九原□愴逝矣難追兩劍悲鳴
翻然興曉庭玲□宦夢聞復苦交集雪涕援翰實曠徽
音偉蘭菊之長存藹金石之無替銘曰

龍門峨峨兮白水湯湯鶴林清清兮元室光光矧伊人
兮宅地□幽魂兮冥茫何千齡兮奄忽緬萬古兮垂芳

右黃鵠妻劉氏墓誌在洛陽存古閣標題列銜稱
安鄉郡長史檢新唐書地理志有安鄉縣而無安
鄉郡竝再攷夫人之祖爲蒲州永樂縣丞攷蒲州
卽河中府河東郡武德三年徙治河東開元八年
置中都爲府是年罷都復爲州乾元三年復爲府
永樂縣武德元年置本隸芮州州廢隸鼎州貞觀
八年屬蒲州後又隸虢州神龍元年復此稱蒲州
永樂縣則行之爲丞當在未隸虢州以前夫人之
祖爲安南都護府本交趾郡武德五年曰交州調
露元年曰安南是延祐爲都護在調露以後撰文

者夫人之弟列銜稱濟陰郡成武縣尉成武始隸
戴州貞觀十七年州廢乃屬曹州濟陰郡

含暉巖殘刻

石存一角高廣不計存三行行
字不一字徑寸餘正書存道州

右者

陵含暉巖皆

寶乙未四月朔題

右含暉巖殘刻在道州湖南省府志均不載近始
搜得之乙未上寶字尙存大半皆下亦見天字首
筆其爲唐刻無疑乙未爲天寶十四載宋之開寶

不值乙未也明統志云含暉洞在州南五里一統志云石洞如屋東西兩門內有泉從石罅出極清冽卽其地也劉禹錫嘗作文記之刻銘洞陰今未見

武部常選韋瓊墓誌

高一尺四寸五分廣一尺四寸九分廿行行廿字字徑五分方界格行書在長安

唐故武部常選韋府君墓誌銘

并序

廣文館進士范朝撰

君諱瓊字瓊京地杜陵人也漢萊崇盛丞相乃擅其名唐業克昌逍遙遂因其号君之苗裏卽其後也

曾祖元整

皇中大夫使持節曹州刺史上柱國

祖綝

皇益州成都縣令

父景皇廣平郡

肥鄉縣令並箕裘嗣業弓冶克傳殷仲文之風流潘安
仁之令譽君幼年好學書劍兩全莫鄰誥之登科慕斑
超之拔筆封侯未就遘疾俄臻神草無徵靈芝靡驗以
天寶四載十二月廿九日終于遂陽郡九隴縣之私第
春秋卅有六嗟乎梁木斯壞哲人其萎織婦罷機春人
不相以十四載五月十三日卜塋於長安縣永壽鄉畢
原耐 先塋禮也南臨太一北帶 皇城地勢起
於龍馳山形開於宅地允子署居喪有禮毀瘠劬勞泣

血三年絕漿七日輜車永掩奠徹長施恐筮短之龜長懼陵遷而谷徙式鑄貞石用紀芳猷乃爲銘曰

帝堯之衷豕韋之枝溫恭其德澍慎其儀佳城鬱々王黍離々月懸新壟松疏舊碑墳塋改變陵谷遷移万古幽宅滕公瘞斯

右韋瓊墓志在長安首行標題稱武部常選天寶十一載改兵部爲武部武部常選者武職未除授之稱也誌敘韋氏先世云丞相乃擅其名逍遙遂因其號丞相者賢也漢丞相扶陽節侯逍遙者夏也後周逍遙公子孫遂稱逍遙公房志又云曾祖

元整皇中大夫使持節曹州刺史上柱國祖緄皇
益州成都縣令父景皇廣平郡肥鄉縣令以新唐
書宰相世系表證之元整爲萬頃之子隋州刺史
達安公瓘之孫逍遙公夔之曾孫也表於元整之
後皆闕而不載得此誌可以補其子孫曾元四世
矣表又有名瓊者官考功郎中是別一人耳成都
縣屬成都府蜀郡此稱益州者統言之廣平郡卽
洺州屬河北道本武安郡天寶元年更名是景之
令肥鄉已在天寶初年誌又云終於濛陽郡九隴
縣之私第濛陽郡卽彭州屬劍南道垂拱二年析

益州置瓊爲杜陵人而有私第於九隴者以其祖
令益州後乃流寓於彼邪

武部常選劉智妻孫氏合葬誌

方一尺六寸六分廿行行十九
字字徑六分正書在諸城劉氏

大唐故劉君合葬墓誌銘

并序

進士張澹文

在標
題下

君諱智字奉智其先彭城郡人也恭聞受友於夏受命
於秦創庶天官化被江漢爰洎魏晉代列侯伯今爲京
兆府涇陽縣人也曾祖寶

皇右領軍衛折衝都

尉祖敬左衛果毅都尉父柱右武衛長上折衝左羽林

軍宿衛粵國有二柄武有七德或干城以禦侮或腹心以衛

上友兄奉進見任銀青光祿大夫行內侍
省內侍彭城縣開國男食邑三百戶故當時君子曰積
德積載奔莖冠蓋者也君承餘慶以謹身竭忠貞以旌
義勲列餘美武部常選享年不永春秋卅有五天寶二
載九月十二日終於私第夫人孫氏淑慎凝禎柔儀婉
孌允威君子宜尔室家而脩短有涯早瘞幽壤以天寶
十五載歲在涓灘五月甲寅朔十九日壬申合葬於京
兆府長安縣國城門西七里龍首原龍門鄉懷道里嗚
呼前囑終南良木其壤後臨清渭逝者如斯爰思陵谷

遠遷天長地久勒茲幽石隻傳不朽銘曰

公侯之裔相傳孝悌有涯終極無朽功諱宅地增感豐碑墜淚悼泉雞之不鳴傷野鶴之空唳

右武部常選劉智妻孫氏合葬誌出長安土中劉智先世三代與劉奉芝同即奉芝之兄弟也惟父柱署官與彼誌稱贈將作監爲不同耳此誌共有三本初得一本字畫極肥疑爲僞作繼得一本較爲圓勁竊謂曩言之不妄矣甲戌夏見松坪所藏古誌聚存冊列有此種標題下方乃進士張邁文五字與題武功蘇靈芝書者絕異馳書詢之乃以

副本見詒且謂此誌出土劉燕庭先生得之攜以
至浙存置淨慈禪寺兵火後不知存佚其題蘇靈
芝書者乃陝中碑估翻刻改題以之欺人而易於
牟利原石只有撰人並無書人名也甚矣見聞之
宜廣而同志之講求尤不可少矣爰重錄而識之
補訪碑錄載此爲蘇靈芝正書所據者亦贗作耳
王曰新妻造象殘刻

高存八寸七分廣二尺四分二
行行字不計字徑七分正書

清信仙弟子王曰新妻

缺

天寶

缺

右刻未審所在疑在石門房山

羅漢寺造象頌殘碑

三段一高九寸廣一尺九行一高七寸廣五寸五分
一高廣均七寸七行行字均不一字徑七分正書在
樂至

安岳郡樂至縣

神武皇帝陛下郡

八十種好觀音勢至部

□謹□生
存之日用己家錢□

□斯福業用報聖恩

將報國同證善果

尋擬陽萬古仕

則噴、郡鳥邕、

示捨之緣

弟一段後
空一行

郡鳥之郡當作羣

手山重石山脩一爲法界

乃爲頌曰 山勢魏巍

溪

度同欽其寶飾真容

聽經說偈忻念洪通

其
弟二段後
空二行

過去如來世尊形像世

載住遂寧郡方義縣爲

在家口生資不安隨□殃

災

二爲見存家口乞願平

□幽深俯瞰崑障峯嶺

良工天衣拂石羽蓋旌

□空近遠觀遺像

第三段後空二
行載即載字

右殘碑無攷蓋造象頌也中有神武皇帝字當是
元宗時所立附天寶末羅漢寺唐之招提淨院也

心經殘本

高

廣

十一行行二十八字

書

經文不錄

載四月八日建

右碑上截失拓九字紀年稱載是天寶時刻時照見五蘊等皆空句較今本多一等字弟八行神咒之上據今本應缺十字以別行例之只缺九字不知所少何字

入瓊室金石補正卷五十八終

八瓊室金石補正卷五十九

太倉陸增祥撰

男 繼輝校錄

吳興劉承幹覆校

唐三十一

西山觀造像四段

在縣州

三洞弟子文□□題記

高九寸廣三寸三行行十字字徑五分許正書

至惠二年太歲己卯三月八日三洞弟子文□□敬造

天尊像一龕供養

文□肩題記

高五寸五分廣四寸五分五行五字字徑六分正書方界格

□□八年四八日文□肩爲存三二世造天尊像龕

供養

世不缺筆疑是隋刻姑附於此下方疑拓未全

任智斌題記

高四寸五分廣六寸七分行行五字字徑五分正書方界格

□月二日道□任智斌奉為亡父任士□亡師任士鑒

敬造 天尊老君二身供養

殘刻

高九寸廣四寸五分五行行字不計存七字字徑七分正書

缺約象三字缺約思三字回道三字缺約投三字缺約心二字缺約□□界下全

北峯塔院銘殘碑

高不計廣一尺八寸五分廿行行存字不等字徑六分行書在彭縣

缺上
北峯塔院銘

寺主文器墓

吏部常

選

下缺此二行
在標題下

上之有天下也四維廓九服甯海若自晏山戎不聳詳

夫甲子蓋一百廿一載焉下上空闕□□□□七聖之不業

膺千秋之昌運却走馬御飛龍擎天鼓撞地鍾平章百

姓叶和上育尔黎元則我明府清源縣開國子王公預

茲選矣公名系字臣忠其先太原人也周上絲綸

皇朝水部員外主爵郎中陳鄂饒潤四州刺史薛國

公出孫前殿中少監司上衣冠列地威望通天龍匣决

雲之鋒鳳臺照膽之鑒北面受制西江烹鮮設

五教上塵無以點其清厥教肅而成其政嚴而理一歲

與人歌之曰我有權暴王公息之我有上王公之惠

夫政也善則有頌明乃不欺東里之聲未弭西門之氣

不滅傳云誰嗣弗在上木上言水火兼滲復小德以

莅人亦大有以成歲也由是百姓足三教興郊坵無猛

獸為上李聾俗遠聽於雲韶盲羣徒詢其雪乳且夫

月日指見妙或色彰弗示化城胡憩商路此上乃白

環興四代之慶朱輪列十人之寵善積先哲澤流後昆

代出上僧家有陶朱之上端閑德音和雅爰在

胎穰早聞祥奇弱壯遊京真童削髮嚴修上石

行畢志雲□□

上缺

路輪航八苦之原恂、善誘攷、匪

懈有若昆季前榮州資官縣□□□前維州風流鎮□

上缺

桐□汧寶碧襲一鳥之慶祉知三鱣之禮經挂黃

綬於東門翹□□□西斜□行有序□

上缺

鄉□愛惠脩

棟苑之精廬式憑慈善之力以祐仁明之德觀夫蓮龕

聚日茵閣凝霞崢□

上缺

鳥假道於采恩海乙賀翔於

棲枕傍聆地籟俯閱雲根花奪燭龍桂侵陰兔自非□

上缺

宴也乎輪象孔

熾

詭恠殊搏前臨月殿釋子鍾梵之

場却負雲崗蕪人斧採之□

上缺

貞珉幢迴立瑤炬長明

光、如太白點天裊、若脩虹貫日瑞花每雨忍草□

上缺□眞趣也況金鋪已設玉字須鐫幸簡墨以相授甯

謙讓而自□□□□□□上缺□育王八万帝釋三千紛綸

山海煜燿人天招提有識化_下缺

右北峰塔院銘文器撰書人名缺在彭縣峰上一
字僅存左半審之當是北字文首言有天下之初
下云詳夫甲子蓋一百卅一載焉又云七聖之不
業盖肅宗至德二載焉卅字僅存左旁廿字以天
寶改年爲載及七聖丕業合之其爲卅字無疑矣
書人結銜稱吏部常選案龍朔元年改吏部曰司
列光宅元年改天官天寶十一載改文部至德二

載復舊此稱吏部則在復舊之後益足證一百下
之字是卅而非世也王臣忠之祖結銜稱水部員
外主爵郎中案龍朔二年改水部爲司川咸亨元
年復舊天寶十一載改爲司水又主爵郎中卽司
封郎中隋爲主爵郎武德初加中字龍朔二年改
爲司封大夫咸亨元年復舊光宅元年改爲司封
郎中此稱水部員外主爵郎中則其任職之時當
在咸亨庚午以後光宅甲申以前高宗時人也自
高宗末至肅宗初相距七十餘年其孫正登仕籍
時代亦符三巴香古志列此碑於唐末殆未深攷

耳又案宰相世系表烏丸王氏有美暢爲司封郎
中封薛公長孫氏墓志題潤州刺史王美暢此志
云陳鄂饒潤四州刺史豈臣忠之祖卽係美暢邪
下云前殿中少監司司下已缺豈卽表所載美暢
之子昕爲司農寺卿者邪表於昕後無聞不能定
矣

通微道訣碑

乾元二年六月十五日
萃編載卷九十一

魚困

魚作
魚

慎汝身

慎誤
填

沐浴

沐誤
汝

李志微

缺微
字

忻州司馬柳真召墓誌

方一尺一寸十四行行
字不一字徑四分正書

唐故朝議郎行忻州司馬柳君墓誌銘

并序

君諱□名字真名其先河東人也 曾祖慈□□銀青

光□大夫貝州刺史 祖仁秀唐朝散大夫睦州□□

父慤朝請大夫辰州都督不續昭業皇周之襲恤肩錫

美推賢迭遷公甫年弱冠孝廉擢第贈文藻韜策略屬

時叔虐特為使司委焉不移良佐復兼防禦副使運良

籌整師旅故能率乘輜睦少長有禮豈其彼蒼不慤俄

然寢疾以軋元二年十二月廿三日終於公館春秋六

十有五以其月廿九日權殯於州城西南三里九原崗

禮也嗣子銛次子湏次子沔孺子淑殮荼茹苦泣血崩

心痛厚地而無追想終天而永訣嗚呼哀哉其詞曰

蘭芬而摧玉美亦析嗟乎彼蒼喪此賢哲

其一

想高

道人稱遭愛恨東逝而長歸泣西傾而不拜

其二

據文柳君官忻州司馬權殯於州城西南九原崗
此誌出土當在忻州也元和郡縣志忻州秀容縣
後漢末於此置九原縣屬新興郡太平寰宇記建
安中曹操集荒郡之戶以爲縣聚之九原界以立
新興郡領九原等縣屬并州誌云九原崗蓋卽其
地縣以崗得名也寰宇記又云天寶元年改定襄
郡乾元元年復爲忻州誌立於乾元二年故稱忻

州元和姓纂河東柳氏謚之隋黃門侍郎生威明
慈明然明慈明職方郎中孫弼貝州刺史慈辰州
刺史都督曾孫立世系表同惟辰州下無刺史二
字與誌尤合殆姓纂誤衍歟誌曾祖慈下蓋缺明
字誌稱貝州刺史與職方郎中不符當以碑爲是
或姓纂世系表誤系於弼也慈之父仁秀慈之孫
銛誤汚淑可據以補其闕惜真召之名僅見下一
字爲召矣韜當是韜之譌韜同韜玉篇韜轆車行
不平也此非其義整作悠嗣作嗣折作析均繆

巴州光福寺額勅

高五尺二寸廣四尺九寸五分十七行行十八字字徑二寸五分正書間雜行筆在巴州

巴州城南二里有古佛龕一所

右山南西道度支判官衛尉少卿兼侍御史內供奉
嚴武奏臣頃牧巴州其州南二里有前件古佛龕一
所舊石壁鐫刻五百餘鋪劃開諸龕化出衆象前佛
後佛大身小身琢磨至堅彫飾甚妙屬歲月綿遠儀
形虧缺乃掃拂苔蘚披除榛蕪仰如來之容爰依驚
嶺祈聖上之福新作龍宮精思竭誠崇回樹果建造
屋宇叁拾餘間并移洪鍾壹口庄嚴福地增益勝緣
焚香無時與國風而蕩穢然燈不夜助皇明以燭幽

曾未經營自然成就臣幸承恩宥馳赴闕庭辭曰奏
陳許令置額伏望特旌裔土俯錫嘉名降以紫泥遠
被雲雷之澤題諸紺宇長懸日月之光兼請度無色
役有道行者添僧永以住持俾其修習

勅旨其寺且以光福爲名餘依

乾元三年四月十三日

右光福寺賜額勅在巴州摩厓嚴武署銜山南西
道度支判官衛尉少卿兼侍御史傳所不載傳云
貶巴州刺史久之遷東川節度使此所稱當在東
川節度前也是年四月改元上元此敕尙稱乾元

知改元在十三後矣苔蘚作癬七作漆

巴州光福寺楠木歌

高四尺五寸五分廣四尺四寸十六行
行十七字字徑二寸四分正書在巴州

巴州光

福寺

楠木歌

衛尉少卿兼侍御史嚴武

楚江長楚寺對楠木幽生赤崖背臨溪

插石盤老

根苔

色青蒼山雨痕高枝開葉鳥不度

半

掩白雲朝共暮香

殿蕭條轉密陰花

龜滴

漉垂清露閣道偏多

越

水頭煙

生霧銀使人愁月明忽憶湘川夜猿叫還思剗渚秋

看

君

幽靄幾千丈寂寞窮山今遇賞六知鍾梵報黃昏猶

卧禪床戀奇響

同前 監察御史史俊

近郭城南山寺深亭、奇樹出禪林結根邱壑不知歲

聳幹摩天九幾尋翠色晚將嵐氣合月光時有夜猿吟

經行綠葉望成蓋宴坐黃花長雨襟此木嘗聞生豫章

今朝獨秀在巴鄉凌霜不肯讓松栢作字猶來稱棟梁

會待良工時一眎應歸法水作慈航

右光福寺楠木歌嚴武史俊兩人所作詩無年月

附光福寺額敕後筆意不二是出一人手同時上

石者鄂渚書作剗晒作眎二詩並載全唐詩嚴詩

首句作楚江長流對楚寺七言一句史詩邱壑作

幽壑

內寺伯劉奉芝墓誌

方一尺五寸五分廿四行
行廿五字字徑七分行書

序
□朝議郎行內侍省內寺伯上柱國劉府君墓誌銘并

宣義郎行左金吾衛倉曹叅軍翰林院學士賜緋魚

袋趙昂撰

從姪朝議郎行衛尉寺丞翰林院待詔秦書

君諱奉芝其先彭城人也著姓史策略而不書曾祖寶

皇右領軍衛折衝都尉祖敬 皇左衛果毅都尉父

柱贈將作監公監之第二子夙奉嚴訓早聞詩禮謙和
仁厚履信資忠口不茹暈心唯奉佛解褐拜內坊典直
祿滿授內府局丞無何轉本局令尋遷內寺伯自出身
事主廿餘年三命益恭四知尤慎言辭謹密體貌魁
梧帶盡十圍眉間一尺出入宮禁周遊里閭望之儼
然真天子之近臣矣如何位不充器天不與年未
及懸車忽焉就木以上元元年十二月十九日大漸于
輔輿里之寢居時年六十五公素有通識不以天壽嬰
心故自卜龍首原用開塋域土周石樽將反卒而歸真

以今上元二年辛丑歲正月丁亥十一日丁酉与前夫
人趙氏合祔而同穴安時霽順不尔禮歟嗣子景延庭
倩等號天叩地泣血崩心充充有窮杖莫能起至於小
大綴服塗車芻靈啓殯祖庭備物致用皆取制於右監
門衛大將軍伯將軍自公之亡也悅如有失憂色慟容
拊膺而哭曰天平天平奈何不先罰於予而乃降禍於
汝手足云斷心魂得安人有聞之知將軍之為兄也仁
矣昂學舊史氏書法不隱舉善無遺庶旌恭友之風以
成褒貶之義銘曰

劉氏之子公山心禮白眉皆良伯仲一體同事 昭代

威儀濟濟□何為乎奪我令弟能建生死自為石室啓
手知全長辭白日合葬非古周公已來括婦早世同歸
夜臺丹壑忽遷孰知栞海唯公令名終古不改

右內寺伯劉奉芝墓誌未詳所在誌敘先世與劉
智墓誌同惟彼誌云父柱右武衛長上折衝左羽
林軍宿衛此誌云父柱贈將作監為不同也彼誌
有兄奉進銀青光祿大夫行內侍省內侍彭城縣
開國男此誌亦有兄為右監門衛大將軍而不顯
其名不審即奉進否上元二年去年號不用此書
上元者去年號在九月誌刻於正月也丁亥下當

有朔字通鑑目錄元年十一月丁亥朔二年二月
丙辰朔十一十二月大盡正月小盡均合

鮮于氏離堆記

拓本存五紙高廣行字不計
字徑二寸三分正書在南部

閬州之東百餘里有縣曰新政新政之南數千步有山

曰離堆半入嘉陵江直上數百尺形勝縮盡
欹壁峻蕭

上崢嶸而下迴湫不與眾山相連屬
是之謂離堆東面

有石堂焉即故京兆尹 鮮
于君之所開鑿也堂有室

廣輪袤丈蕭豁洞敞
虛聞江聲徹見羣象人材川壘若

指諸掌堂北磐石之
上有九曲流杯池焉懸源峭首感

噴鶴味醴渠股引迺坐環溜若有良朋以傾醕酌堂南

有茅齋焉遊於斯息於斯聚賓友於斯虛而來者實而

歸其齋壁間有詩焉皆君舅著作邵嚴從君甥殿中侍

御史嚴銑之等美君考槃之所作也其右有小石廬焉

亦可蔭而跋據矣其松竹桂栲冬青雜樹皆徙他山而

栽蒔焉其上方有男宮觀焉署之曰景福君弟京兆尹

叔明至德二年十月嘗任尚書司勳貞外郎之所奉置

也君諱向字仲通以字行漁陽人卓尔堅性毅然抗直

易有之曰篤實輝光書不云乎沈潛剛克君自高曾以

降世以財雄招徠賢豪施舍不倦至君繼緒其流益光

弱冠以任俠自喜

尚未知名

乃慷慨發憤於焉卜築養

蒙學文忘

寢與食

不四三載展也大成著作奇之勛以

真薦無何

以進士高第驟登臺省天寶九載以益

州大

都

督府長史兼御史中丞持節充劍南節

度副大

使知

節度事劍南山南西道採訪

處置使入

為司農少卿遂

作京兆尹以忤楊國

忠貶邵陽

郡司馬十有二載秋八

月除漢陽郡

太守冬十

有一月終于任所官舍悲夫雄

圖未伸志業已空葬於縣北表附先塋禮也君之薨也

冢子光錄寺丞昱匍匐迎喪星言泣血自沔泝峽湍險

萬重肩輿足踟扳筇引舳凡今幾年戰塚在目因心則

至豈無僮僕。曁之季曰尙書都官負外郎。炅克篤前烈。永言孝思。懇口口志反葬於茲行道之人。孰不跂而眞卿猶子曰紘。從父兄故僊師丞春卿之子也。嘗尉閬中。故舊不遺。與之有忘年之契。叔明曁炅亦篤世親之歡。眞卿因之又忝憲司之寮。亟與濟南蹇昂奉以周旋。益著通家之好。兄允南以司膳司封二郎中弟允臧以三院御史皆與叔明首末聯事。我用是飽君之故。乾元改號上元之歲。秋八月哉生魄。猥自刑部侍郎以言事忤旨。聖恩全宥。貶貳於蓬州。沿嘉陵而路出新政。適會曁以成都兵曹取急歸覲。遭我乎貴州之朝。留游締歡。

信宿陁峴感今懷昔遂援翰而志之叔明時刺商州炁
又申掾京兆不同躋陟有恨如何帝唐龍集後壬寅仲
夏己卯朔十五日甲午刻於門序之左右顏真卿撰并
書

上元中顏魯公爲蓬州長史過新政作離堆記四百
餘言書而刻之石壁上字徑二寸雖崩壞剝裂之餘
而典型具在使人見之凜然也元符三年予友強叔
來尹是邑始爲公作祠堂於其側而求文以爲記予
謂仁之勝不仁久矣然有時乎不勝而反爲所陷焉
命也史臣論公晚節偃蹇爲姦臣所擠見隕賊手是

未必然公孫丞相以仲舒相膠西梁冀以張綱守廣陵李逢吉以韓愈使鎮州而盧杞以公使希烈其用意正相類爾然於數公終不能有所傷而公獨不免於虎口由是觀之士之成敗存亡豈不有命耶而小人軒然自以爲得計不亦謬乎且吾聞之古人尙友者以友天下之善士爲未足又尙論古之人誦其詩讀其書思見其人而不可得則方欲招屈子於江濱起士會於九原蓋其志所願則超然慕之於數千百載之後而況於公平公之功名事業已絕於人而文學之妙亦不可及因其名書之所在而祠之此昔人

尙友之意也嘗試與強叔登離堆探石室觀其遺跡而味其生平則公之精神風采猶或可以想見也夫元符三年春正月望日馬存記

唐顏魯公磨崖記在新政縣離堆崖下歐陽公集古錄唐顏真卿撰并書碑以寶應元年立在閬州顏魯公爲蓬州長史在蓬四年往來新政縣鮮于氏家爲書離堆記今在縣之西南崖石間

輿地碑目

離堆記凡千一百五十字今存殘拓僅五十八字以行格推之行十八字凡四十五行道光十年郭蘭石尙先爲四川學政吳梅梁傑爲川北道始訪得之於

南部縣崖壁間今以魯公文集所載全文補注於旁
以成完本宋馬存魯公祠記云離堆記凡四百餘言
蓋是記殘泐已久元符閒已不及見全文矣故馬氏
云四百餘言其實則千餘言也王象之輿地碑目謂
魯公蓬州長史在蓬四年往來新政縣爲鮮于氏家
書離堆記以留元剛魯公年譜攷之肅宗上元元年
八月公貶蓬州長史道出閬州爲鮮于氏作離堆記
明年公在蓬州又明年四月肅宗崩代宗監國改元
寶應是月公書此記上石五月拜利州刺史未上十
二月入爲戶部侍郎公在蓬州僅年餘事無四年在

蓬事

金石記

輿地碑目引集古錄云云今本集古錄未載此碑
金石錄鮮于仲通碑跋云明皇實錄稱仲通以漏
泄禁中語貶邵陽司馬而碑言爲國忠所忌坐貶
此記亦云忤楊國忠也元和姓纂闕中京兆尹劍
南節度鮮于仲通云匡紹曾孫也居闔中又漁陽
鮮于緒生明唐蒲州刺史定襄公生匡濟匡紹此
記稱漁陽人蓋其先世所占籍也據文仲通官終
漢陽郡太守而姓纂書京兆尹劍南節度殆舉其
貴顯者言之向以字行故姓纂書仲通姓纂不載

其子可據此補之昱亦官巴州刺史金石錄載有
其碑其弟叔明歷洛陽令商州刺史繼兄爲京兆
尹累遷尙書左僕射封薊國公以太子太傅致仕
卒諡曰襄見萬姓統譜宋史鮮于侁傳云唐劍南
節度使叔明裔孫是又繼兄爲劍南節度不獨京
兆尹也文云眞卿猶子曰紘從父兄故偃師丞春
卿之子也唐書春卿傳云官二子遙達不及紘名
顏氏家廟碑云紘方義主簿允南爲眞卿弟二兄
允臧爲眞卿弟其歷官俱見家廟碑寶應元年四
月復用年號此文但書後壬寅不書寶應殆蜀中

尙未奉詔也已卯朔則甲午是十六日此作十五
殆文集刊刻之誤又按金石錄有京兆尹鮮于仲
通碑通志略有贈太子少保鮮于仲通碑碑目考
云碑有二一在二教院崖上一在墓田又有樊諭
仲通碑亦在墓田皆真卿書鮮于諸碑今僅存此
五十餘字矣又有鮮于氏里門記亦見金石錄近
時惟吳荷屋收得之

金大娘壙誌并甄文

高五寸三分寬二寸六分誌五行行字
不一字徑四分正書在嘉定錢氏今佚

孝男徐德行以空下大唐寶應元年七月十四日葬金大

娘於崑山依仁留從 父穴也入土□□永安無患

宝應

此別一磚字徑二寸餘與壙誌同出

出嘉定東城外徐家行土中入土下吳郡金石目
作而并葬三字恐有誤岡作鄉非

邠州長史焦瑾墓誌

方一尺三寸二十行行二十字
至廿七字不等正書在陝西

唐故將士郎守邠州琿川府長史焦公墓誌

并序

公諱瑾字潤河內廣平人也蓋夏殷之後古者建德立
功因生賜姓宗氏以茲而起枝派自此而起暨夫溫玉
抽□蘭芬鬱□或楊威於漢魏之代或宣布於齊梁之

間其後繼之□雖百代可知也□隨季崩淪天下喪亂
高祖以義旗輪轉元從長安回官平涼遂爲邠土
曾祖仁皇職資陪戎校尉祖貞 皇勲官上護軍並積
行累德脩辭立誠名播於閭閻之間聲聞於郡邑之內
父莊克勤於家克儉於國不失色於人而人敬之
不失□於人而人信之故得聲聞府縣譽動軍州公紉
而聆敏詩禮以得於蓬庭長而強學典義更聞函杖志
學之年旋霑一命之職弱冠之歲望遷五等之官何異
福慶外移不保南山之壽災經內豎奄歸東岱之魂以
寶應元年十二月十二日邁疾卒于私家春秋廿歟甫

而之有季庸秀而之無成妻子類崩父母傷剖骨之痛
卜建有期龜筮吉遂以唐寶應元年歲次壬寅十二
月景午朔廿七日庚辛殯于邠州三水縣歸義鄉邠邑
原禮也父庄悲傷五內哀感四隣但恐田成碧海水變
蒼山故勒石留文以旌貞誌云尔 於穆遠衰肇自

周秦惟祖惟孝乃武乃文念子聰敏幼年立身不幸短
命禍降沉淪嚴父切骨慈母割恩哀々戀念泣對孤墳
右焦璫志近時出土無誤書人姓名文字鐫刻均
老悖無足深取然非偽造也將仕作士古通華川
府見地理志克勤於家二語見尙書文而家國互

易不可爲訓詩禮以得於趨庭用以爲己典義更
聞函杖句脫一字丈作杖借歎苗而之有季季秀
之誤妻子類崩句有脫字羽吉是習吉誤遺下半
字耳庚辛辛字是申之誤身即厥字

郭敬之家廟碑并陰

廣德二年十一月廿一日
萃編載卷九十一

加游擊

加誤如

折衝

衝誤

於靈武

於作

碑陰

又加實封二百戶

又加實封二百戶

脫一句

元和姓纂郭榮生福善榮弟宏道生敬君廣廣廣
生昶汾陽王子儀云榮叔父

祥案刊本作父叔

進之後進曾

孫通生敬之碑則履球生和和生通通生敬之與姓

纂少異通為進曾孫則履球即進子宰相世系表進

下空一格者誤也碑陰城阜府地志作成阜平津記碑記

太尉李光弼碑

廣德二年十一月廿七日 萃編載卷九十二

唐故開府儀同三司太尉兼侍中缺開府太尉荆南山

南東五道

缺荆字五道 誤作道口

兼將作少監上柱國

缺兼將作 監四字

總師干肇敏之業

缺總師干 肇敏五字保父王室

父誤 作人薊公之第

四子也

薊上誤 多一口

社稷盛寶

盛誤 作威

為國飛將

飛誤 作大

撫塵而

遊

塵誤 作鹿

袁履謙殺祿山土門使李欽湊

袁誤作表 缺殺 字李誤作季

擒其心手高邈何千年屬太原尹王承業不出救兵杲卿履卿為史思明所陷戰士死者跽藉於滹池之上公

親以衣袂拂去其上沙塵因慟哭以祭之手誤作腹干誤作丁滹誤

作泮何年屬太原尹王承業不兵杲卿為陷死者跽藉於親以衣袂拂去其上沙塵因慟哭等世三字全缺又

誤多俾命尚書令缺俾南收趙郡缺南秋毫不敢犯脫

字及滑州滑誤悉皆迴避缺迴乙夜乙作賊將周贄贄誤

作擒其大將徐瑁王缺瑁王義不受辱至是登城西向

拜舞缺辱字是字遷太尉兼中書令其年改元上元冬

十一月缺遷尉其年改餘卒卒誤東都留守此在行末

次行制書係提行書乃於留守下作制書未下久待

一口并空三格竟似未見拓本也

命于徐州將赴東都屬痢疾增劇公知不起使使

香表奉辭

自待至辭廿四字惟使字未缺

長史等問以

祕事

長史誤

天下

□□□□□□

家無贅旒之患

缺二天

字李氏校本作天

公兄遵直遵沂

直誤作宜

次曰光彦

作顏誤

皆有材略

材誤

杖鉞分閭凌霄翼

聖

杖誤

聖上三格誤移於凌

方當會同正至榮耀

君親

入侍黼帷峨二貂乎泰階之上

方當正榮耀君親入侍

全缺君上三格

頒雙節於高堂之下

頒誤作頌

斯歡未

劇遺恨何居

上六字

昔斛律丞相與弟并州同務烈於

北齊賀拔行臺與兄荊州亦宣力於西魏

昔斛律丞相與弟并同務烈

於行臺與兄荆十六字全缺又律而風樹寂寥偏隅隘

誤作于拔上脫賀字并多一口

隔缺風樹寂寥偏隅五字昔守平原困於凶羯四字操觚論撰論二

字爰初發迹爰誤經營異方興誤祿山震惶潼關勿師

震誤作霍缺師字新唐書宰相世系表光弼本柳城李氏世為契丹酋

長後徙京兆萬年故本傳稱營州柳城人碑作京兆

萬年人世系表曾祖令節祖重扶父楷洛其歷官俱

與碑同碑重扶作重英重宇稍泐英字甚明又表光

弼為楷洛第三子碑作第四子是表誤碑記平津讀

萃編闕謫甚多恐出門人之手據拓本及李氏所

校勘者補正如右此本非舊拓在王氏所見後當
已數十年而其所闕之處清晰者多何也遵直世
系表作遵宜遵沂表作遵行光彥表作光顏碑當
不誤表之誤也攷宏簡錄代宗紀廣德二年秋七
月已酉李光弼薨而新唐書云七月已酉李光弼
罷案光弼傳並不言其罷職則罷乃薨字之誤據
碑言已亥則酉乃亥字之誤宏簡錄誤一字新書
誤兩字矣

九疑山題刻二段

在甯遠

元結無爲洞題字

拓本二紙一高三尺五寸廣一尺一寸三大字字長徑一尺二寸一

高一尺一寸廣九寸五行行
四字字長徑二寸許俱篆書



廣德寺奉勅書元結題因隄山

名此洞曰元結洞

元結九疑山無爲洞天四字格古要論云碧虛洞一
名嘉魚洞元結改曰無爲洞篆刻在焉据九疑山志
有宋治平四年沈紳與蔣之奇取元次山無爲洞天
四字正其體篆刻於崑竇云云則結所題實係無爲
洞天四字非無爲洞也

湖南通志

游疑載筆云今洞口之內其東壁刻無爲洞天四篆

字余游時水大僅露無爲二字字徑數寸洞低口暗
立望不能見必偃僂於水之西涯斜睨乃見之能車
屏其水當可全見此書筆法奇縱殆唐時元刻惜未
見其名識洞外石壁上又有無爲洞直書三眞字必
是宋人所爲又李挺祖亦有三字橫列山志俱未明
暫也

永州府志

右無爲洞元結題字洞阻於水厓壁古刻從無椎
拓者余始屬譚仲維搽拓之今甲戌夏旱故得施
工也案方輿勝覽云紫虛洞

宗篠樓謂卽無爲洞

有石穴上

通於天有元次山永泰年題名天聖中寺僧雲亮

於洞前百步築隄爲塘瀦水溉田洞遂爲池据此則洞之阻水已歷數百年無怪金石家之不得一見矣所謂石穴題名者其卽是刻歟又何志偉九疑山記云永福寺旁卽無爲洞洞門旁刻元次山詩惜漫滅不能讀其亦卽此刻歟志稱無爲洞天四字今拓本無天字志不足據文云名此洞曰無爲洞格古要論以爲改稱者殊未有据廣德二年卽永泰元年是年正月癸巳改元永泰癸巳爲朔日祭山當在二月其時改元之詔殆猶未至道州也

河南府殘刻高一尺一寸五分廣二尺六行

河南府□□延唐□□約缺□□紳□三行

右殘刻僅辨六字幸見延唐字得以知為唐刻也
延唐卽今甯遠縣地題名者蓋卽邑人而官於河
南者府下似是錄字新唐書地理志延唐本梁興
蕭銑析營道置銑平更名唐興長壽二年曰武興
神龍元年復曰唐興天寶元年又更名此刻蓋在
天寶以後

贈太子賓客白道生碑永泰元年三月廿四日

間道缺問辛氏缺氏最□□以□赫□□缺以赫寵

乃缺寵幽室缺室字

書人摯宗濮陽人見吏部南曹石幢

怡亭銘

高一尺七寸二分寬三尺五寸一分前六行行四字
字長三寸四分徑二寸六七分篆書後五行行八字
字長一寸三分徑二寸
一二分書在武昌

怡亭銘
上元帝之孝陽城名
所第之費以養而銘之

爭嶸怡亭磐礴江汀勢壓西塞氣涵東溟
風雲自生日月所經衆木成幄羣山佐屏
願余逃世於此忘形

永泰元乙巳歲夏五月十一日隴西李

莒直上西南

怡亭在武昌江水中小島上武昌人謂其地爲吳王散花灘亭裴鷗造李陽冰名而篆之裴虬銘李莒八分書刻於島石常爲江水所沒故世亦罕傳鷗不知何人虬代宗時道州刺史韓愈爲其子復墓志云虬爲諫議大夫有寵代宗朝屢諫諍數命以官多辭不拜然唐史不見其事李莒華弟也

集古錄

第一千三百九十五唐怡亭銘裴虬撰李莒八分書

李陽冰篆永泰元年五月

金石錄目

怡亭在殊亭東唐裴鷗作宋蔣之奇云怡亭銘刻於江邊巨石之上乃唐李陽冰篆李莒八分書裴虬爲之銘世謂三絕

明一統志

銘在武昌縣江中洲渚間夏秋江漲則沒於水故拓本稍難得王象之輿地碑目亦遺之又江夏縣有陽冰篆鄂州二字世傳初篆時鬼神泣空中士大夫爭摹以致遠謂可禦魑魅今不知所在矣廣韻裴姓伯益之後封於蜚鄉因以爲氏後徙封解邑乃去邑從衣此碑裴一從衣一從邑兩字通用也末題永泰元乙巳歲不言元年者歲年同物省文互見也裴虬字

深源大厯四年爲著作郎兼侍御史道州刺史杜子美集有次湘江宴餞裴二端公赴道州詩卽虬也

潛研

堂金石文
跋尾續

此銘集古錄外它家皆未收錄唯楊用脩墨池瑣錄云李陽冰庶子泉銘怡亭刻石二世之詔不是過也則此銘似爲用修所賞而所輯金石古文亦不之載何也說文裴蜚俱薄回切裴衣長兒蜚河東聞喜縣姓氏字本當作蜚今經典相承皆借裴此更兼用之金石存

案唐書宰相世系表裴鷗裴虬皆御史中丞曠之子

鷗官容州長史虬官諫議大夫李莒爲隴西李氏工部郎中舒之子李華爲趙郡李氏典設郎恕已之子集古錄謂莒華弟也誤矣

筠清館金石記

右刻前篆書六行行四字字長三寸四五分後隸書五行行八字又三行皆低一字字徑寸二三分末行下有小隸書四字似是刻工姓名上二字已漫滅在湖北武昌縣据文知怡亭爲裴鷗所築李陽冰爲名曰怡亭并篆此二十二字其銘又爲裴虬作而李莒別以八分書之一刻而分篆隸又爲四人之事皆所罕見亦文人好奇之病也外舅潛研堂跋尾云裴虬

字深源杜子美集有次湘江宴餞裴二端公赴道州
詩卽虬也中泐案此刻歐公有跋云云予攷昌黎裴
復墓志言曾大父元簡大理正大父曠御史中丞父
虬諫議大夫以唐書宰相世系表證之乃洗馬裴氏
天壽之後也御史中丞曠有四子長曰鷗

南監本容
誤鷗

州長史次曰虬諫議大夫虬子復河南少尹皆與墓
志合而以杜子美詩題稱爲裴二證之則鷗卽虬之
兄也歐公偶未細攷耳侍御史官從六品諫議大夫
則正四品當是其後來遷轉之官也又攷李華見唐
書文藝傳而傳不言其弟莒以史表證之華爲趙郡

李氏太冲之曾孫而並無弟及莒名又攷隴西李氏
德宗朝相西平郡王晟表亦無莒名者而別有武后
時相道廣一表言其乃漢李陵之裔歸魏賜姓爲丙
其後有唐左監門大將軍燦高祖與之有舊以避世
祖名錫姓李氏則道廣之弟三世正名莒疑卽此書
銘之人也李氏以隴西爲著望故莒亦自稱其郡爲
隴西耳獨表何以趙郡華後下不載莒名而華傳亦
不言有莒若舍傳與表又何以知莒爲華弟皆可疑
者也豈傳爲宋景文所撰或可脫去豈歐公表內本
有莒後人因華傳無莒据表所列華與莒本屬兩宗

但歐公所謂華弟者蓋當時聯爲同姓而華齒大於

莒乃以弟呼之故華傳不載耳

古泉山館
金石文編

李華集中有與弟莒書一則史稱李華趙郡贊人此

題隴西李莒其郡望也

平津讀
碑記

銘後小隸書四字云直上西南語似未了疑尚有

一行在其左曼患不可辨耳瞿先生云似是刻工

姓名則固未及細審也金石續編失載此行筠清

館金石記作□□之上石直誤作之西誤作石又

遺一南字

八瓊室金石補正卷五十九終